



PAMFLET

818





W 687
Nootelijcke

CONSIDERATIEN

die alle goede Liefhebbers des Vanderlandts behooren rijpeliijk te ouerwegen opten voorgheslagen Tractate van Peys met den Spaengiaerden.

Sal. Prouerb. 14, 16.

Een wijs man vrees hem ende vermijdt het quade:
daerenteghen een sot vaert coenlijcken
henen door.



M. D. LXXXVII.

818

103

Beminde liefhebber des Vaderlands.

AEnmerckende t'perijckel daer inne de bedeckte, listige, facteurs der Spaengiaerden den staet deser Landen pooghen te brenghen door de valscheyt van hare gesuyckerde redenen vanden Vrede, daermede zy de ghemeynte pooghen te trecken, tot eenen gantsch anderen eynde, dan zy wterlijcken voortstellen: Ende beduchtende dat wel eenige vroomme luyden daer door souden moghen worden teghen hare meyninghe misleyt: Soo heeft my goetgedocht tot dienste mijns Vaderlands by desen eenen yeghelijcken voor ooghen te stellen, in wat gheleghentheyte onse saken met den Spaengiaerdt zijn staende, haer voornemen tegens ons, ende wat middelen zy dencken te gebruycken omme daer toe (t'welck God verhoede) te comē: midtsgaders oock de middelen daermede wy ons daer teghen behooren te wapenen t'onser behoudenisse.



M. D. C. LXXVII.

TITVS LIVIVS seyt seer vvijselijck, *Dat
t'versekerste middel om sich teghen Zijne vyanden
te behouden, is het mistrouwen.*

Welcke sentencie hoe wel zeker en kennelijck is/ so wordt
nochtans de selue by veelen niet na behooren gheacht/
dooz dien men verstaet dat het mistrouwen alleenlijck
wt de vbandelschap is spruytende/ende zonder de selue niet be-
staende: nochtans so wordt bevondē dat alle Tyrannen meer
hebben wtghegericht met practijcken hare partije van misver-
trouwen ontblootende/ dan zy opt niet eenich ghewelt van
wapenen zouden hebben connen te weghe brenghen. Welcke
rechticheyt insonderheyt alrijt den ghenen den meesten af-
breeck heeft ghedaen/ die met haer ouerhoofd te doen hebben
ghehad/ende schijnt te spruyten wt dese lotte/onredelijcke re-
dene/ dat t'meestendeel der mensche met satticheyt vande aen-
ghenomen zake/ ende verminderinghe haerder macht/ wor-
den slauhertich/laecht ende slap van gemoede/ al oft zy meyn-
den dat hare teghenpartije van gelijcken dede/ ende daer dooz
zijn zy henseluen kittelende met een ghenuchlijck ghedachte/
dat de zake te beter te accorderen soude zijn/ om dat zyne heft-
ticheyt minder is/ in allen schijne oft des vbandts voordeel
vermeerderende zyne vbandelschap soo veele als ulwen moet
met ulwen tegenspoet zoude verminderen/ ende van een doot-
vbandt v vriendt soude connē wordē: Daer nochtans ter con-
trarien zynen lust tot v bloet ende om ouer v gheweldelijck te
heerschen/ met zynen voorspoet alrijt meer is vermeerderende.
Waer wt volcht dat de ghene die de minste van machte/ sich
daerenbouen noch ontblootende van t'nootelijck misvertrou-
wen/ (welck hem vooz zyne beste wapenen behoort te dienen)
hy sich seluen oock dooz cleynherticheyt gewillichlyk begeeft
in zyne wterste rupne/ daer hy nochtans hem vercloeckende
ende gebruyckende zyne resterende middelen/ hem noch zou-
de hebben connen houden staende/ende verwachten de veran-
deringhe der saken/ die den tijt naer ghelwoonte tot zijnder
verschooninghe zoude moghen medebrenghen.

Waer van hoe wel gheduerende den staet der Romeynen
ontallijcke exempelen zijn gheualen/ die t'selfde volcomelijck
bewijzen/ So zal ick nochtans my daer van onthouden/ ouer-
mits veele het bewijs der seluer (dooz de verscheydenheyt die

inde ghelegentheden der zaken vermoepdt wordt) niet so zeker achten / ende oock niet so veelen kennelijck zijn: Maer zal alleenlijck hier verhalen de kennelijckste exempelen die by ons leuen den ghenen/ die de selue zake/ die wy verdedigen/ by den handen hebben ghenomen/ zijn wederuaren.

De Duytsche Princen hebben sich wt oirsake voorsz. door eene victorie/ die den Keyser opten Hertoghe van Saren bereech daer inne by gheuangen werde/ zoo cleyn gheacht/ dat spliden ende insonderheyt den Landtgraue van Hessen/ hun begheuen hebben int accordt/ ofte veel eer int belieuen vanden Keyser. Daer nochtans des Landtgrauens en zijnder andere bontghenooten middelen noch by na waren in haer gheheel/ ende genouchsamen (indien den moet en mistrouwen hen niet en hadde ontbroken) om in wepnich daghen den Keyser wederom haer legijer voorsz. t'hoofd te brengen/ ende met goede voorzichtigheyt / cloechheyt ende behendicheyt volherdende in haer voornemen/ niet alleen sich te beschermen/ maer oock om den Keyser met goede occasien zijn voornemen te beletten. Sulx dat zy meer door haer verbaestheyt en gebreck vande kennisse der perijckelen daer in zy sich begauen/ syn verwonnen/ dan door haer gheleden schade/ die den Keyser niet meer dan so veele dooden soude hebben doen veroueren/ die d'andere ooc zoudē hebbē mogē dergen/ indien zy den moet hadden behouden en hen gewacht van haren byandt te betrouwen.

Twelck henliedē in zulckē deerlijckē staet hadde gebrocht/ dat zy haer leuen ende staet hadden verloorē/ ten ware Hertoghe Mauritz van Saren (grootvader des deurluchtighen Graue Mauritz van Nassau) ende zyne bontghenooten hen gheluckelijck hadden verlost.

Die vande Religie in Brancarijck/ waren na so veele bloedighe strijden onuerwonnelijck beuondē/ indien zy so wel met mistrouwen als met gheweert van oorloge ghewapent waren gheweest/ en hen inde Jare LXXII. niet so verre niet schoone woorden van den trouwloosen Coninck Caerle de ix^{te}. hadden laten mislepdē / dat zy ende voorts alle die vande Religie door t'gantsche landt hen begeuende in zynen handen om wreedelijck vermoort te worden/ daer van t'getal der dooden in wepnich dagen ouer de hondert duyfent groot is gheweest. Daer nochtans den Heere Admirael ende andere niet en hadden behoort te vergeten/ hoe diep inde herten haerder byanden gewoelt:

wortelc was de begheerte om hen te wreken / ende oock te ge-
loouen de goede waerschouwvinghen die henlieden te vooren
daer van werden ghedaen.

Wt dese dolingē gepleecht byde Protestantē van Duytsch-
landt ende Francrijck / cannen bemerckē dat hare faute daer
inne is gelegen gheweest / Dat zy hen hebben laten wysma-
ken de vernimderinghe vande bitterheyt haerder vpanden /
door schijnfelen van versekerheyt: Ende dat zy daer door zijn
ghenallen inde wterste miserie / ten tijde als zy goede macht
hadden om sich te versekeren door hare wapenen.

Indien wy nu ter contrarien willen bemercken de verse-
kerheyt die t misuertrouwen is geuende / Sullen wy bevin-
den dat oock de gene die inde meeste tegenspoet waren geal-
len / zulk dat sy opt wterste sekenen gecommen te wesen / tot
hare verlossinghe zijn gecommen / Indien sy door eenige schoo-
ne woorden sich niet en hebben laten bewegghen / om haren
vpandt te achten anders dan hy is.

Want die van Maechdenburch / so verre gecommen zijnde
dat sy geen andere hope en hadden dan op den eenighen Ver-
croofter der verdrukten / Syn alleene door hare stantuaftic-
heyt int betrouwen op Godt ende misrouwen van haren
vpandt behouden / tot eenwige eere ende exempele van ande-
ren: Ende de wapenen tot haren moort gheschickt / zijn ghe-
keert tegen haer vpanden tot hare verlossinghe.

Die van Rochelle siende door dē moort alle geloof so schan-
delijcken ghebroken / hebben besloten int stantuaftē lijdsam-
heyt alles te verwachten dat Godt gelieuen soude te ordonne-
ren van haer lijf ende goet / Ende gheleden hebbende een soo
swaeren belech / ende wederstaen hebbende so vele gewelts als
opt Stadt by onsen tijden / zijn ten lesten bukten hope won-
derbaerlijcken verlost.

Maer inne seer te verwonderen is dat die van Rochelle
zijnde in de meeste perijelen / ende de heere van Monsgom-
merp (die alleen den moort was ontgaen) commende met ee-
nigē schepen omme hen ter zee te ontfetten / so moedich zijn ge-
weest dat sy hem ontboden / dewyle de zake van ontfet voor
die tijdt periculens soude zijn / dat hy hem aldoen in geen pe-
riichel soude begeuen / maer beter gelegentheyt verwachten /
dat sy wel geresolueert waren hen merre genade des Heeren
te defenderen / ende alle nae den anderen eer te steruen dan te
ballen in handen haerlieder trouwloose vpanden.

Welcke wesende zaken by onsen tijden gebeurt / en daer
aen niet en valt te twifelen / So ist dat ick alhier beroepe dese
neufwysige wyse / die door hare menschelijke voorzichtigheyt
(in cleynachtige ban t'belept Godts) alle toecommende din-
ghen willen ijcken na de mate haerlieder eyghen voorzichtig-
heyt: Niet dat ick hen toelate datmen andersints t'schip met-
ten stroom soudē moeten laten dypuen / sonder opt roer ofte
compas te letten / maer segge dat de wille des Heeren van ons
te verlossen / verborghen zijnde / wy daer inne niet so verre be-
hooren te treden / dat wy ons soudē laten voorstaen die aen
onsen neuse gebonden te zijn / maer dat wy gehouden zijn alle
wertige middelen t'onser defensie te ghebruycken / verwach-
tende met lijdsaemheyt zijne Goddelijke hulpe / Sonder ons
ende alle onse nacomelingen door onlijdsaemheyt te verhan-
gen in verachtige onser goeder sake / ende van de almogent-
heyt des Heeren / of ons te begeuen voor den tijdt inde wierste
ellende / die het tegenspoedichste eynde der oorloge ons soude
moghen bybrenghe.

Dies niet te min / wedercommende tot ons eerste boozne-
men / om te belieuen den genen die sich lieuer op waer schijn-
like redenen / dan opte schickinghe Gods vertronwen / Soo
can wt de boozende tweederleijē exempelē lichtelijck bemerckt
worden / hoe onwyselijck d'eene hensen hebben verwoopen /
berlatende de middelen haerder nootlijcke ende gelegene de-
fensie / Ende hoe wyselijck d'andere sich hebben begeuen tot
een stantvastige resolutie met goede redenen / mistrouwende
van t'gelooue ende schoone beloften haerder vanden / d'eene
voor oogen hebbende de schalcke ontrouwicheyt ghepleecht
tegen den persoon vande Landtgraue / ende d'andere het ver-
goten bloet vande verraderlijke moort.

Opntelick waerment wil keeren ofte weynden / men heeft
t'allen tijden beuonden (sonder dat opt anders is gesien) men
sal altijd beuinden dat sy in haer sorte gedachten hen groote-
lijck hebben misreekent / die sich hebben laten voorstaen dat
eenen Coninck ofte Prince tegen zijne ondersaten (die de wa-
penen wt eenighe oorlake / hoe rechtueerdich die oock mochte
wesen eens tegens hem hadde ghenomen) soude laten onghere-
recht / redene / eere ofte eedt. Want dese dinghen en hebben
noyt so vele plaetse in hare herten ghehad / dat sy de wraeck-
giericheyt (so diep daer inne gewortelt zijnde) soudē hebben
connen

connen bedwingen/ Maer houden booz haren regel/ dat om
te regneren het geloof mach worden gebroken/ Ende sy haer
Onderlaten so wel moghen berleypden met schoone beloften
en erden/ als de moeders hare kinderen met appelen en peren.

Ende of wy al meynden dat den Coninck van Spaegnien
daer inne conscientieuser ware/ dan eenige andere die opt zijn
ghewest/ ende dat hy niet van gelijcken teghens ons en ware
brandende met een heftige begeerte van de alderwreestste wa-
ke die opt is geschiet/ So condē wy nochtans wel ter contra-
rien bemercken wat de kennisse van zijne nature/ actien/ ende
banden Raedt die hy gebruyckt/ die door de gantsche werelt
bekent zijn/ als onder andere/ dat so dickwils als in zijne te-
genwoordicheyt vermaendt is geweest van eenen Don Pedro
genaemt de Wreede/ als met rechte gehouden booz de wreestste
Tyran die opt leefde/ heeft den ghenen die hem zulcx noem-
den altijd berispt/ segghende datmen hem behoorde te noe-
men/ Don Pedro den Gherechtighen, Ontwiffelick zulcx sustine-
rende om selfs alzulcken Titel te ontgaen/ die hem met rechte
toecompt/ als de gene die de wterste wreedicheyt door zijne In-
quisitie is exercerende/ ende oock zijne Sone wreedelick heeft
gedoot onder t'pretext van de minste ongehoorsaemheyt/ en-
de zijne Hupsvrouw om te bevrigen zijn genegentheyt totten
overspele.

Indien men hem beter wil kennen/ so bemerckt den Raedt
die hy heeft gebruyckt/ ende die ghy hebt gesien: Want der
Princen herten ongrondelick zijnde/ so en cannen die niet be-
kennen dan door de gene die sy gebruycken/ die hen altijd ge-
lijck zijn. Den hertoghe van Alua/ Vargas/ Rhoda/ den
grooten Commandeur Don Louys/ Don Jan/ zijnen Se-
cretaris Elconedo/ den Cardinael Granvelle/ ende andere/ die
hy opt in dese landen heeft gebruyckt/ zijn sy niet alle seer
sonderlinge geweest in wreedicheyt/ onbarmherticheyt/ hart-
nelckicheyt/ sonder conscientie/ recht/ eere/ gheloof/ ja oock
verbreempt van alle menschelickheyt/ genuchelick achten-
de/ te sien de springende bloetaderen vande genen die sy hare
vpanden achten/ dan opt Landtman te sien den regen/ hy na
te lange verwacht/ tot behoudenisse van zijnen Oefte?

Mochten die van Granada (die hy so wreedelick bouen
Tractate/ eere ende eedt heeft vermoort/ als hy ons gheerne
doen soude) verrijfen/ sy souden ons met leuendighe redenen

wel raden dat wy ons niet hem te betrouwen niet en souden
laten bedriegen/ maer dat wy ons wijselijck ende voorzichte-
lijck souden wachten van onse hoofde so goedē coop te geuen.

Maer hare bedekte vrienden (die helas wat te veel onder
ons verkeren) sullen seggen dat de voorsende goede Luyden
nu al doot zijn. 'Tis waer/ dese knechten zijn doot/maer den
meester leeft noch/ ende wercht noch euen dapper totten sel-
nen eynde/ maer niet een andere handelinghe/ die hy meynt
hem voordelijcker te wesen. Want na dat hy eenighe Jaeren
getracht heeft met wreedtheit te verflaghen een natie die den
Spaegniaert voor verckens acht/ als gheen hart hebbende/
ende siende dat hy ouermits onse stantvasticheit niet die ma-
nere van des weynich vorderde/ heeft goet gevonden de sachte-
moedicheit vanden sieckē Aecus te contrerepen/ ende de die-
ren niet soericheit tot hem te noodē/ niet om hen meer te spa-
ren/ maer om t' meeste gemake.

Maer toe hem seer wel dient den persoon van den Prince
van Parme/ omme dese personaige wel te spelen/ en den een-
uoudigen d'oogen te verbinden door een gheueynsde goeder-
sterenheyt en schijn van sachtmoedicheit/ niet welke deuch-
den desen goeden Prince daerentusschen alomme grootelijck
wordt verheuen. Godt gheue oock dat hy zulcx inder waer-
heyt sy/ maer ick en cans niet wel geloouen/ wetende dat het
spreeckwoort te seer wel bysonder by den Italianen wort ge-
practiseert: Die niet en can veynsen, die en can niet regieren. Waer
toe Don Jan mede last heeft gehad/ maer door zijne ionghe
spaensche hefticheit niet connen wruoeren.

Maer waer toe dient dit? omme ons den Italiaenschē aert
te leeren kennen/ ofte om dit te oncleeren? Hebbē wy niet bin-
nen Antwerpen gesien dat eenen Simon Turcq Italiaensch
coopman hem vele Jaeren niet vele beleefcheden valschelijck
heeft geueynst te zijn een vrient van Jeronymio Theodari/ en
middelertijt te staen nae zijn leuen/ t'welck hy hem ten lesten
moordadelick benam/ om te wreken een questie die tusschen
hem ouerlanghe was versoent?

Ende daer nae dat eenen anderen een ionghe dochter de
schoonste der seluer stede/ ende van treffelijcken huyse vele Ja-
ren niet groote moeyten eerst ter ouere/ en daer na so t'scheen-
ter eerren heeft veruolcht/ niet de gheueynstheyt van een son-
derlinghe Liefde/ ende dat hy den berden dach van de bruy-
loft

loft is heymelijck ghereyft nae Italien/haer troutweloofelijck verlatende.

Indien een Italiaensch coopman van dat ambacht allulcken meester is/wat verwachtē wy vande Italiaensche Princen / die gheen ander handelinghe opt hebben gheleert dan beynsen?

Daer in desen alle andere moet te bouen gaen / dewijle de gelegentheyt vande sake sulcx van hem vereyscht / den last van zynen meester hem sulcx gebiet / ende dat zyne nature daer toe is gheneghen meer dan andere Italianen / als zynde van Pauselijcken afcompte.

Stetmen niet dat de Vyers hoe ghemelijck / gnoerich ende onlustich dat zy bupter naturen zijn / niettemin so lange zy enige jonghe dochter veruolghen / hen gelaten de beleefste / lustichste ende ghedienstichste diemen soude binden? sonder hen te ondecken / eer zy tot haren wille zijn gecomen: Meynen wy dat de Princen niet so gheleert en zijn in haren handel? Nicolaes Machiavel / het compass vande Italiaensche Princen / leert hen dit booz den noocelijcken streeck / seggende dat zy aen beyde yden enen wel ter handt moeten wesen / te weten om een ghedaente van saechtmoedicheyt / ghetrouwicheyt ende barmherticheyt te houden / ende oock om r'blat te keeren / als haer boordeel sulcx ghedraecht / dat is / dat zy ooc also wel moeten connen de wreetheyt / ontroutwe ende ongenade / ende dat zy niet van noode hebben deuchdelijck te wesen / als zy maer sulcx schijnen. Het xvij. Capittel van zijn boercken geintituleert *De Prince* is vol van dulsantighe goede leeringhen: twelck ick wensche dat op alle de poorten vande steden der Nederlanden ware gheschreuen / met het spreekwoort dat den Italiaen meest gebruyckt / Betrouwt niet, ghy en sult niet bedroghen worden: ofte veel eer twelck by den onsen met meerder eeren woort gebruyckt / Weest ghetrou, ende betrouwt niemant.

Maer de gene die optē Spaenschē leest schoenē / spotten noch so onbeschaemdelijck met ons / dat zy deruē seggen / dat alle mistrouwen moet gheweert worden / omme tot eenen goeden Pays te commen / ende datmen ons conditien sal gunnen / daer mede wy reden souden hebben omme verskerct te zijn.

Ich bidde v / lege my / Hoe macht bestaē betrouwen ende goede verskercheyt te nemen? Want indien wy betrouwen willen / soo en behoeuen wy gheen verskercheyt: ofte indien men ons goede verskercheyt wil gheuen / soo en behoeuen wy niet te betrouwen

trouwē: Ten ware datmē seggē wilde/ dat hy betroudt/ die een
goet pant neempt dat de schult dypmael waerdich is / oft dat hy
versker is / die een pant heeft dat maer de helft vande schult
soude moghen gelden/ ende de reste opt goet gelooue van zynen
vpandt stelt. Hier wt is ymmer claelijck te verstaen/ dat dese
goede lypden ons met halue ofte gheene verskerheyt op goede
betrouwen gheerne saghen onder t'Gouuernement van haren
goeden ghetrouwen barmhertighen Coninck/ Ende dat zy ons
gheerne sonder thoom saghen rijden. Hebben zy dien bal wel/
ick schencke hen t'partuer.

Maer den hoochsten choone die zy singhen / is/ dat den Co-
ninck van Spaengien ons soude verskeren met borchtchte
vande naburighe Princen/ tot onderhoudinghe vant Tractaet.

Hier op staet te letten dat dese borghen soudē zyn Princen/
die de Roomsche Religie hebben verworpen/ oft die selue noch
onderhouden.

Datmen sich soude betrouwē op de borchtchte vande Prin-
cen die de Roomsche Religie noch aenhanghen/ waer groote
dwaelheyt. Dewyle seker is dat zy metten anderen vastelijc zyn
verbondē/ tot onser wtroedinge/ so haest hen daer toe eenige ge-
legghentheyt soude moghen verschijnen. Sulcx dat selue niet
anders is te segghen/ dan datmen den Leeuw de schapen soude
betrouwen/ onder der woluen borchtchte.

Ende de borchtchte vande Princen die de Roomsche Reli-
gie hebben verworpen/ en can gheen sekerheyt gheuen: Dewyle
zy wel weten/ oft ten minsten behooren te weten/ dat het heyllich
Verbont daer van onse partije thoofst is / eens meester van ons
zijde/ hen wel so veel wercx sal gheuen om hen seluen te defen-
deren/ dat zy niet veel tijts zouden hebbe omme te dencken op
hare borchtchte.

ICK late staen de dispute/ waer wy oft yemandt van onse bor-
ghen onsen schuldenaer soudē te rechte stellen oft (ghenomen
dat hy tot onsen ende haren voordeele waer ghecondemneert)
wie de ghene zoude zyn die de sententie teghens hem soude
executerē. Waerder yemandt die middel hadde omme den Co-
ninck van Spaengien te hondē/ als hy qualijck wilde/ het waer
seer goet: Maer ick en gelooue niet datter yemandt is: Ende al
wilde ick sulcx gheloouē/ den Coninck van Spaengien noch
zyne cloecke Predicanten die zyne macht so groot makē / en sou-
den my sulcx gheen ghestandt doen.

Maer

Maer genomen / dat onse borghen machtich waren om hem een goet oorloghe te maken: Soo moesten wy ons begeuen tot zyne onderlaten / opt vertrouwen onser borchtrochten: Als hy dan zynen schoonste ons metten ooren name / of de plaetsen versekerde daer inne hy weet alle onse defensie te bestaen / wat raedt? Sullen wy hem dachuaerden / oft onse borghen? De borghen ghedachuaert zijnde / sullen zy hem terstont een Leger van vyftich duysent mannen voor thoofte leggen? oft sullen zy onse moeyten ende perijckelen te schouwen teghen den ghenen die hen niet en vreesst? hen laten ghenoeghen niet eenich lach dat hy ons sal oplegghen / Dat wy wederomme meynen te rebellere / dat wy secrete conspiratien hadden ghemaect / oft wat rijck dat wy hem niet schoon ghenoech en wilden legghen onne gegeeselt te worden? Ende in allen gevallen de sake in processe staende / ende wy midler tijt de costen met hals ende hooft betalende / soude ons dan de wreke die de borghen mochten doen tot betrachtinge van hare eere / niet connen helpen dan ruypen na de doot?

Quersulcx en can ick niet ghelouen dat eenighe Princen / die de valscheit ende wrecheit onser tegenpartije bekent zijn / sich soudent so verre willen laten misleiden / dat sy in sulcker bougen in hare beschermenis se soudent nemē het onnoosel bloet van desen onschuldigen verdrukten volcke / twelck in haer macht niet en soude wesen te behouden / ofte hare schade te doen repareren / Ende dat sy daeronne hare consciencien ende eere niet en sulden willen stellen in alsulcken pericle / alwaert oock dat sy daer toe versocht werden: Dewelcke by de Nacommelingē ten ewighen daghe grootelijck bebleekt soude bliuen: Want van alsulckē schijn van Vrede en can niet anders dan een tragedie gespeelt worden / dat is / een vrolijck begin / ende een verdrietich / elendich eynde.

Hier van is een merckelijck exempel in Ferdinando / d'eerste van den huyse van Arragon / Coninck van Naples / d'welcke niet en heeft naghelaten de Edeluyden van zynen Rijke / die teghen hem opgestaen hadden / te doen steruen: niet tegenstaende int accoordt met hem gemaect / verscheyden Princen borghen waren gheworden.

Ende de borghen en thoonden noyt in eeniger manieren / dat hen de borchtrochte ter harten ginck / na dat t'middel van de sake te rechten hen was benomen.

Alsmen oock bemercken wil / dat den Paus van Roomē ouer

so vele Jaren heeft geexcommunicert alle de Princen van zijne Religie niet zijnde / ende hare heerschappijen tot roof gegeven. Ende dat den Spaenschen hoochmoet hen ouersulcx niet alleen is dreggende / maer oock arbejdende / om hen te brenghen onder de Spaensche Monarchie / die hē so hooch int harte leyt. Wat versekerheyt soude ons dan connen geuen de borchtichte van de gene die de Roomsche Religie hebben verworpen? Ende bouen dien / en gelooue ick niet / dat niemant onder borchtichte by den Leen soude willen te gaste gaen.

Ende te willen seggen dat den Coninck van Spaengien eenighe merckelijke somme van penninghen ergens soude inden derden handt stellen tot versekeringe van het tractaet : is te seer stercht. Want so vele gelts en soude hy niet mogen consigneren / of hy en soude thien male so vele van dese landen in corten tijden wtpercken. Hier by geuoecht dat een seer magere versekerheyt is / datmen hem soude laten voorslaen dat den Coninck van Spaengien sich om rberlies van een somme geldts soude onthouden van de lust zijnder wraeckgiericheyt te boeten / ouer den genen van den welcken hy so onuerdragelijck verstaet geinuiereert te zijn / bysonder bemerckende dat peder particulier hem rperijckel van lijf ende goet dickwils niet en ontsiet / om hem te wreken van de genen die hy verstaet hem in zijn eere ghecrencht te hebben.

Omme voorts niet te vergheten / dat tot boordeel van hare Spaensche factien ende rupne van den staet deser landen soude mogen dienen / ende by de gemeente aengenaem wesen / die hen metten wterlicken schijn gheerne laet paeyen / connen noch voorsstellen / datmen door den paps ontlast soude zijn bande contributien die sy seggen so groot te zijn / dat de selue de gemeente ondragelijck zijn / in allen schijn / ofmen alsdan een goude Werelt soude hebben / meynende also ons dē humnich om dē monde smeereende / te leyden in de swaerste ellende ende miserie / ende op hare maniere wt rWageuier inde Helle.

Twaer wel een wonderlijke sake dat den Coninck van Spaengien / die met alsulcken hertneckigen geweld reghen alle recht ende redelijckheyt ons heeft willen belasten met een eeuwighe schattinghe banden thiensten penninck te betalen van alle goederen ende coopmanschappen die in desen Landen souden vercocht wordē / zijnde het eenich middel omme allen dē Coophandel ten eeuwigen daghe wt den Landen te verdrjuen / ende den gantschen rijckdomme tot hem te trecken / een dingē dickwils

wils thienmael moeten betalen / ende ten tijde als hy seer wen-
nich was vergramt ten opsiene van t gene t zedert is ghebeurt/
dat hy nu alle occasien der werelt (so hy seyt) ontfangen hebben-
de om ons qualijck te handelen / ons soude wy laten van alle
schattinghen ende contributien. Want hoe wel sommige ghe-
loouen / dat de hoeren door leet ende slagen lieflijcker ende hand-
samer worden / so en ghelooue ick nochtans sulcx van gheen
Princen.

Ende heeft hy alldoen niet connen beweert worden door ee-
nich vertooch vande bederfkenisse der Landen / die daer wt seker-
lijck moeste volgen / seggende alleen voor redene / sulcx te wesen
den wille des Conincx / noch door de allegatien van rechten /
vryheden ende priuilegien vanden Landen / die men seydde alleen
te bestaen in de wille des Conincx.

Ander voegen dat de Gecommitteerde vande Provincien tot
dien eynde ghesonden aen den Coninck in Spaengien ghenen
beteren spoet op hare wedercompste souden gehad hebben / dan
den Marquis van Bergen ende heere van Montignij / ten wa-
re sy wel te passe goeden windt hadden gecregen / door de tijdm-
ghe die den Coninck ontfing / dat meest alle de steden van Hol-
landt ende Zeelandt de wapenen hadden aenghenomen / ende
van het innemen vande steden van Bergen in Henegouwe ende
Valencijs. Waer door oock den Hertoge van Alue gedwongen
werdt inde schee te houden t sweert dat hy half getrocken had-
de omme te doen steruen de boornaemste vande magistraet ende
borgherij van Brussel / omme den anderen een brieft te aen-
taegghen.

Indien oock den Heere Marquys ende van Montigni haer
leuen hebben verloren door dien men verckont Crimen laste maie-
statis te wesen de ouerleueringe van een Requeste / streckende tot
zinnen ende der landen dienste / Ende dat om ghelijcke oorsake
de Gedeputeerde in Spaengien de Borgherij van Brussel ende
alle andere die hen int minste gheoppoleert hadden / hen sou-
den ghenolcht hebben : So laet ick eenen pegelijck bedencken /
waer mede wy volstaen souden / indien men (t welck Godt ver-
hoede) ons meester ware / of sy pemandt souden laten leuen
dan de ghene die de heeren Spaengaerden t haren dienste sou-
den noodich achten / ende of wel pemandt soude mogen segghen
dit of dat zijn eyghen te wesen / meer dan de arme Indianen /
daer niemant yet eyghens is besittende / Iae zijn vrouwe ende
kinderen voor haren lust niet en moghen beschermen / van den
welcken

welken sy nochtans noyt eenich leedt hebben ontfangen. Icker
wel pement die ons (die sy voor de booste menschen der aerden
houden) yet beters soude connen toeschrijven/ indient met Crac-
taet of wapenen soo verre mochten comen/ dat de sake stont
aen hare goede discretie.

Soude dit de erffenisse onser Macommelinghen wesen/ in de
plaetse van de sonderlinge bypheyt die wy van onse bozouders
hebben gheerft/ dat van niemants (ooch des minsten) persoon
ende goederen niet en mach worden yet gedisponeert/ dā by Ju-
sticie / r welck sy in grooter eere ende waerdicheyt altydt onuer-
brekelyck hebben behouden/ niet teghenstaende wy sien dat
meest onder alle andere naticen van de werelt r ghemeen volck
wert veracht/ en van de machrichsten geweldichlick gehandelt.

Hieromme moetmen verstaen dat wy niet alleen schuldich
zijn dese Contributien (die wy toch niet onsen eyghen consente
geuen/ ende niet dan rosen en zijn te ghelykenen by de doornen
der tyranniē) gehouden zijn voor ons ende onse Macommelin-
gen ghewillichlyck ende niet goeder herten te verstrecken/maer
ooch ons leuen/ als wy die willen wegen teghen r gene ons sou-
de overcomen/ in ons bypandts macht zijnde.

Maer r besten van alle is/ dat sy segghen/ Dat het de Staten
bande Prouincien soude wesen/ die niet ons tracteren sullen/ dat
wy souden behouden d'exercitie van de Religie/ dat r vzeemde
Crighsvolck vertrecken soude: Ende dat wy daeromme niet
ensouden hebben te vzeesen. Indien sy mette voorgaende rede-
nen ons bespotten/ voorwaer sy dencken ons niet dese blind
ende doof te maken.

Wat hebben wy van de Staten van de voornoemde Prouin-
cien te verwachten? sullen sy hen scheyden van des Coninc au-
thoriteyt? sullen sy hem den thoom indē mondt werpen om ons
te beschermen? Den verblogen Marquys van Rysbrouck sou-
de hier van moghen ghetuygē/ seggende/ Dat sy lieuer alle voor
den Dupuel souden varen/ dan dat sy gheen meesters van ons
allen souden werden.

Wy weten dat sy niet diergelijcke aens de principaelste steden
van Vlaenderen int net hebben ghebrocht. Ende insonderheyt
is aen die van Gendt gelonden gheweest de heere van Manup/
die men dede gebruycken den naem bande Staten van Vene-
gouwē/ Arthois/ en andere Prouincien/ niet seer schoone woor-
den/ in

den/ in allen schijne of de Staten verstaen hadden/ datmen hen
het exercitie vande Religie soude laten gemeten.

Maer een weynich tijds daer na/ als men verstant dat sy nu
verre ghenoech by den ooren waren ghelept/ heeft Richardot de
sake by de handt genomen/ ende voozt eerste de handelinge van
den heere van Manup in vele poincten gheen gestandt doende/
die hen maer om de goeden mont te maken waren voorgestelt/
heeft hen niet te min onderhoude met vele goede hopen: En als
men hem sprack vande Religie/ begeerde datme dat Artijckel op
t leste soude houden/ ende d'andere eerst afhandele. Opte welc-
ke verdragen zijnde/ ende siende dat sy nu verre genouch in Zee
waren/ riedt hen/ dat ingeuale sy den Coninck ende Prince van
Parme niet en wilden offensereren/ dat sy van de Religie souden
swijghen/ ende dat alle voozgaende dingen te beter souden ver-
geten bliuen.

Ten lesten/ de Gedeputeerde van Gendt binnen Doornijck
ghecommen/ ende in teghenwoordicheydt van den Prince van
Parme in debat van eenighe poincten gecommen zijnde/ heeft
den Prince van Parme de handelinge van Richardot gebela-
uoeert. Daer na heeft Richardot oock valscheijck geloochent
eenige poincte die sy geaccordeert hadde. Dits de maniere van
hare handelighen. Ende de stadt ouerghegheuen zijnde/ heeft
men het woordt/ schandale/ sulcx gherecht inde lenghte ende
breete/ datmen seer na alle de rigoreuse placcaten daer inne heeft
begrepen.

Dies wy ons niet hebben te laten voozstaen / dat eenige per-
soonen opten name vande Staten met ons soude handelen an-
ders dan de gene die dubbelder en valscher zijn dan de Spaen-
giarden/ ende dat opte commissie/ instructie ende mette tre-
ken vande Coninck van Spaengien/ daer van sy niet een rijtel
sullen wijcken.

De ghene die ons gaerne in dese brabbelinghe sagen/ laten luy-
den/ dat Champaigne ende Richardot alreede hier toe souden
zijn gedeputeert. Dit zijn twee so verre verureempte vade gunste
deser landen/ als den vreemste more van Spaegnien/ t'zijn twee
Wozgongons dat is te segge/ twee onbeschaemde Leugenaers/
die de kennisse Godes/ die sy hebben/ ter liefden van den Afgod
der wereltscher dinghen/ verwerpen.

Mengaende de Edeldom van derwaerts ouer/ daerme groot-
te felleste afmaecht / dunckt v dat in hen de deucht ende groot-
moedicheyt

moedicheyt van hare boozouders is verschijnende: Hebben sy
de manierlycke steinnicheydt / wijsheyt / auctoriteyt ende puer
tot de bysheyt ende weluaren van de landen / die inden oprech-
ten Edeldom verepscht wordtz of zijn sy de gene selfs die sich
tot slaen begenen om t'weluaren ende bysheyt van de Lande te
helpen verdrucken: Indien ghy hier van t'genolen der Spaen-
gaerden hoorde / mocht v versekeret houden door de ghetuy-
genissen van hare beste vrienden.

Want de heeren die sy niet cloeck genouch achten om tot ha-
re saken te gebruycken / die seggen sy te wesen gecleede beesten /
de ghene die in eenighe merckeliche saken schijnen ghebruyckt
te worden / noemē sy decreien die totte secrete dobbelen diensten /
alias verraderijen / hen hebben laten gebruycken / die houden sy
oock in sulcken eeren als de gebruyckte verraders altydt gehou-
den zijn geweest / sy en hebben oock geen ander loon te verwach-
ten / ende de mindere die in menichte t'hof volgen om geaduan-
ceert te worden tot eenige staten / die soudē (seggen sy) niet la-
ten t'hof te belieuen / alwaert niet coppeldraepen / ghelijckmen
oock liet / dat d'ene zijnen ouersten Dine heeft gehouwt aen een
wel bekende vrientlycke Joffrou van de Houe: D'andere speele
op de Violen / bewijse de heeren Spaengaerden ende Italianen
zijn dochters onderhouden / ende de gene die wat eerlijcker wil-
len schijnen / die doen haer Requestē ten Houe deur hare schoon-
ste Nichten presenteren / oft door der Spaengaerts hoeren booz-
deren. Dits de bromicheydt van dien Edeldom / t'welck niet
breeit behooren te achten de ghene die van den Jare Lxxij tot
Lxxvj toe / t'hof hebben ghekeert.

De ghene nu die te Houe eenighe recompensen ghenieten / diē
ontlaetmen niet een briefken vande betalinghe van t'ghene sy
den armen Borghers hebben afgeborcht die hen gheboeyt ende
ghecleedt hebben: ofmen geeft hen de goederen van de ghene die
sich by ons bromelijck dragen / om de opgaende boomen ter hal-
uer wassche te afhouden: dies sy by den Landtluyde Beuls der
bosschen worden ghenoeit.

Omme dan totter materie te wederkeeren / so behooren wy
altydt indachtich te wesen / als men ons niet ghesuyckerde rede-
uen wil verleyden / dat de geblanckete hoeren altydt meest su-
spect zijn van pocken: Ghelijck mijn heere den Prince hoo. me.
den heere van Selles wt Spaengen een vrachte van ghenade
des Coninckx hem ouerbrenghende / tot antwoorde gaf dat hy
daer

daer van alte schoon sprack onre geloont: Want ontwijffelijck
hoe dat t'schoon ghelaet meerder is/ hoe dat den wijsen hen daer
op min sal vertrouwen (bysonder in zijnen bypand/ na t'egghen
van de Italianen/

Chi te fa piu carezza che non sole,

Tha ingannato o tingannar vole.

Datis/

Die bouen reden v veel schoon ghelaets bethoont,

Die heeft v al int net, of hy hadde v geern gehoont.

T'zijn uwe Eplanden die hy vrijdt / om die te crighen en sal
hy niet laten eenige moeyten ende costē te doen/ alle courtoisien
ende aubaden te spelen/ ende die hebbende/ op hare saken ordie
te stellen dat int Nederlandt niemandt daer na d'oozen sal op
steken/ oft na de wapenen tasten.

Dits t'eenighe middel daermede zy van ons verhopē mee-
sters te worden: Want men moet weten/ dat den Spaengiaert
de sake deser Landen soo wel verstaet/ dat hy wel weet datter
noch vijfentwintich steden in onsen handen zijn die hy niet geen
ghewelt mach winnen/ al oozloochden hy noch vijf hondert Ja-
ren/ indien wy gheresolueert blyuē vooz onse ende onser nacom-
melinghen vryheyt soo veel te doen/ als onse voorouders die
ons de selue hebben achterghelaten/ hebben ghedaen. Hy en
houdt e partuer niet ghewonnen mette veroueringhe van eeni-
ghe Landtsteden/ t'zijn de Eplanden daer hy zijn kaetse wil
maken/ om t'spel te versekeren.

De welcke wy ontwijffelijcken hem nimmermeer sullen la-
ten hebben/ maer veel eer verwachten alsulcken eynde/ als ons
Godt almachtich ghelieuen sal te gheuen: Indien wy niet met
eenen dencken ons seluen ende de gantsche ghemeypnte te bege-
uen in des Beuls handen: De welcke zulcx niet en hebben ver-
dient/ als zijnde by ghetuyghenisse van allen anderen de sacht-
moedichste/ getrouste/ standvastichste Natie/ ende de vreenste
bande bloervergietinghe die opter aerden wordt gheuonden.

De ghene die niet en gheloouen dat ons alsulcken banket
wordt bereydt/ die moghen wel gheloouen de woorden van Don
Juan/ die geleyt heeft/ Dat den Coninck lieuer soude zijn een
Heere bande aerde/ boomen/ beesten/ bosschen/ woluen/ wateren
ende visschen deser Landen/ dan te lyden dat eenen persoon die
C De wa-

de wapenen tegen hem gedragen/ de rebellen aengehangē had-
de/ ofte int minste met Ketterijē besmet ware / daer inne sou-
de leuē/ Epntelyck is zijne meyninge dat wy ende onse nacom-
melinghen alle souden moeten geloouē / dat den Paus een
siele wtē Hemel trecken / ende int diepste der hellen verwor-
pen/ of wter hellē int schoonste des Hemels stellē soude connen/
ghelijck zijne gheschreuen rechten vermelden/ oft steruen.

In dien men meyndt dat dit maer woorden zijn/ leest t' ghene
de Spaengaerden selue hebben gheschreuen van hare Indische
handelinghen / daer zy selue verhalen alleen wt haren lust/ oft
om sich ontsichtelijck te maken/ vele millioenen menschen ver-
moort te hebben die hen noyt vergrampt ofte yet misdaen had-
den/ op de welcke zy oock t' minste recht van heerschappijē niet
en hadden.

Vergheleijckende dit met onse ghesteltenisse/ die zy houden
voor gherebelleerde ondersaten des Coninc/ Ketterē ende ver-
lochende menschen / onwaerdich der menschelijcker ghemeyn-
schap / ende totten viere ende sweerde gheeyghent / meynende
dat zy met onsen bloede Godt dienste doen / ende met ons laten
leuen / hen seluen verdoemen / wat hebben wy van hen te ver-
wachten?

Stelt v voor ooghen den doot die den vrome Graue van
Egmont ende Hoorne hebben ghestoruen / alleen om dat zy den
Ketterē met ghenoech souden hebben bedwongen: Daer noch
tans alle wijse luden verstaen dat int stuck van de Regierin-
ghe dicwils door de vingeren moet worden ghesien om ergher-
te schouwen: Ende ordeelt selfs/ oft ghy niet hondert hoofden
soudt hebben verbeurt / als de voorl. Heeren verdient hadden.
het scrappen eender spelle te lijden.

Dan t'schijnt dat eenighe sich bypheyft toeschrijven wilden/
om datter veel souden moeten steruen/ als oft de menichte hem
soude verladē/ oft de groote van t'werck doen ontsien. Dits een
groote slechticheyt. Heeft den Hertoghe van Alue wel connen
verlaet worden met de doot van achtien dupsent personen/
die hy in Spaengen wederkeerende rapporteerde hier te lan-
de door beuls handen te hebben doen steruen? dunckt v niet
dat hy wat meer soude ghedaen hebben / hadmen sich niet de
wapenen niet gheweert.

Al ist zake dat den Prince van Parme indie gheconquesteerde
steden des Coninck sentencie niet ter executie en stelt / ende alle
daghen in elcke stadt hondert hoofden doet afhoutwen: Dat
en wordt niet opghehouden by ghebreke van macht ofte wille/
maer om dat wy ons teghen hem niet en souden resoluereen/
ghelijck wy teghen den Hertoghe van Alue deden. Welck
ons onoverwinnelijck soude maken / ende daer mede ware de
hope te niet / vande Eylanden niet practijcken te cruyghen.

Maer en laet v niet voorslaen dat hy meester vande Eylan-
den zijnde / de rekeninghe effen zoude afloopen / oft in dien
ghy zulcx uwe rekeninghe maect / settet wt uwen sinne / op
dat ghy niet tweemael en reekent / ghelijck de ghene die son-
der Weerdt reekenen / ende gheeft al v sinnen ernstelijck daer
toe dat ghy v hoeft wel bewaert / op dat ghy niet sonder loqua-
tur en verliest: Want te segghen alsdan / wie soudt ghedacht
hebben / waert te laet. Ende alle de werelt soude redene hebben
onse sotticheyt ende quade rekeninghe te bespotten.

Het sekerste middel van onser behoudenisse salmen bevin-
den te wesen / datmen d'oozen stopt voor alsulcke speelluyden/
de welcke alleenlijck arbeiden om onse herten te verstaunen/
t'wissen / tweedrachten ende scheuringhen onder ons te saepen/
ende daermede haer profijt te doen. Want zy en souden niet
wepnich achten wtgherecht te hebben / in dien zy ons aen
t'handelen conden brengen: Want na t'gemeen spreektwoorde/

Als een vrouwe tot t'ghehoore, end een stadt
compt ter spraken:
Soo sal zy hucken, ende dese en salt niet
lang maken.

Maer seggen sommighe (door Spaensch ingeven) men can
niet verbeuren haer propositien hoorende: Wat men cant laten
baren / indien wy niet voordeels ghenoech connen bedinghen/
ghelijck tot Breda ende Coelen is geschiet.

Daer teghen ick antwoorde / dat den prouende Cock ghe-
meenlijck zijn tonghe verbrandt. t'welck wy tot Coelen t'onser
schade oock zijn gewaer geworden: Want het is kennelijck dat
t'selue heeft ghedient omme te practiseren de middelen daer me-
de men

de men Artshois/ Henegouwe ende andere Provincien van ons
heeft geseheurt: Ende ghestonden noch metten besten coop/ dat
wy niet meer en verlozen/ daer van de practijcken noch eenen
pegghelijck kennelijck zijn / die niet alleen onse vbanden/ maer
oock de ghene die wy betrouden/ hebben ghebelsicht.

Gheduyvende het Tractaet van Breda/ stonde mijn heer den
Prince hoo, me. aen t'roer/ ende bestierde het schip so wijselijck
dat de sake in goede versekerheyt wert gehouden: Hoewel noch
tans vele ghelououen/ dat wy aldaer noch niet sonder schade af-
quamen/ maer dese sake is seer merckelijck.

Ende omme te besluyten bidde ick eenen pegelijck die eenich
oordeel of voorzichtigheyt is hebbende/ dat hy zijne vbandt ken-
ne/ en sich seluen dese poinctē altydt voor ooghen houdende/ tot
dat hy wel versekerd sy dat den Coninck niet zijne Spaengaer-
den ende gespaengaerde geuolch die sullen gantschelijck verghe-
ten hebben/

De vvapeninghe teghen den Coninck,

De veranderinghe vande Religie,

De afsvveeringhe des Coninckx,

De handelighen met andere Princen.

Niet te min hebbende een rechtueerdighe sake. (want gheen
rechtueerdigher can gheuonden worden/ dan teghen gheweldt
te ghebruycken noochlycke defensie) die wy ghesien hebben/ ende
noch daghelijck sien dat Godt almachtich so merckelijck buy-
ten alle menschelijcke hope is helpende / en daer en bouen door
zijne ghenade ons daer toe in handen ghestelt zijnde so schoone
middelen/ so en behooren wy van onse behoudenisse oock niet
te wanhopen.

Twelck hoe wel ick achte my niet toe te staen alhier int cley-
ne te handelen/ Soo can ick nochtans wel so vele segghen/ dat
midts bewarende vpf ofte ses aencompten deser Landen met
goede versekerheyt ende toelichte/ ende met versekerde persoo-
nen die niet ons hebben te winnen ende verliesen: Soo salmen
den vbandt wel lichtelijck beletten den voorderē inual. Hy en
acht ons so cleyne/ noch oock zijne winste so groot niet/ als wy
selue. En Godt almachtich heeft ons verlost/ als wy meynden
in meerder swaricheyt te wesen dan dese.

Maer onse

Maer onse scheuringhe ware ons gantsch doodelijck/ende is
eenighe middel daer op hy verhoeyt/daer door wy ons in alle
manieren moeten wachten/ende sochtuudelijck wapenen met
vaste ende goede eenicheyt/ onse passien aen d'een zijde stellende/
ende alle wrocherijen die wy tegen den anderen int herte moech-
ten hebben verteerende/ op dat wy niet door ons eygen gebreec-
ken wanden wech openen/ ende onse Raecomminghen be-
reypden een ellendighe erffenisse van ewige slaernijse/ der wel-
ker bloet ons inder eenwichheyt vooz Godt almachtich sonde
beclaghen/ dat wy de vyphuyt van onse Voorzouders (met ver-
bintenisse van niet te veruyreenden) nagelaten/ hemlieden door
slauhterticheyt ende sorte onuoorzichlicheyt hadden verman-
gelt teghen een onuerdraechelijcke ende eenwighe slaernijse aen
ziel ende lichame.

Een vyphuyt segghe ick/ die tzedert den tijdt van xv. Jaren
noyt met slaernijse van wtcheemische natien is belast gheweest.
Welck weynich natien van de werelt souden mogen seggen.

De welke ons Voorzouders met alsulcke sochtuuldicheyt/
grootmoedicheyt ende stantvasticheyt hebben voorgestaen te-
gen alle de Princen van desen Landen/ als de groote meenichte
der exempelē bewysen/ende onder andere dat desen Coninc
van Spaengien inden Jare xv. lix. vande generale Staten de-
ser Landen niet geene middelen van schoone belofte oft gram-
melijck gelaet heeft mogen vercrijgen/ dat vyf hondert Spaen-
gaerden in desen Landen nae zijn vertreck nae Spaengien sou-
den bliuen: Daer van hy alsulcken haet heeft ontfangen/ dat
esclue inde Jare lxxvij/ de Graue van Egmont/ en meer treffe-
lijcke persoonē/ die opte voorszeyde vergaderinge vā de generale
Staten van slandts wegghen waren gebuycht/ den meesten last
heeft ghedaen om t'hoofd te verliesen.

De exempelē van de voorszeden dinghen behooren ons sulcx
te onderwijsen/ dat wy wijsen moghen zijn dan de ghene die de
toecōmende saken metter ellen van hare neuswilticheyt willen
meten/ wetende dat niet een haer van onsen hoofde sonder de
gehengenisse Godts sal worden gecrenckt/ende dat hy meester
is/ ende int minste niet toestaet t'boornemen vanden ghenen die
niet groot onrecht acngenomen hebben ons te vermoordē: Dit
wordt int midden van ons ghetuycht door de vrome steden van
Alckmaer ende Leyden/ ende door ons allen die ghesien hebben

dat Godt almachtich t'berlies van Zirczee (t'welck wy ghe-
noech achten te wesen t'middel van onsen sekeren onderganch)
heeft verandert tot een middel onser alder verlossinge: De selue
Godt leeft/ hy en heeft onse (oft wel eer/ zijne zalie) niet duylange
hoor ghestaen om ten lesten die te verlaten/ hy en doet geen stuck-
werck/ maer t'ghene dat hy begint dat voerd hy sekerlijcken
wt. Waeromme en sullen wy ons in hem niet betrouwen ende
versekeren houden?

Te meer so wy altijdt ghesien hebben dat de ghene die sich
op menschen versekerden zijn gevallen / als de ghene die op een
riet steunden: Ende bedenckt v wel/ ghy sult beuinden/ dat wy
den meesten afbreuck hebben gheleden door dien wy op men-
schen meer verhoopt / betroudt ende ghestaen hebben / dan op
Godt almachtich.

Hieromme laet ons zijne ghenade aenroepen/ ende betrou-
wen niet gantscher herten / sonder murmuratie van hem onse
verlossinge verwachende tot zijns naems Eere: Ende zijt verse-
kert (als van t'ghene dat ghy door uwen ooghen siet) dat hy de
gene die den onnooselen berouwen / ende zijn woort soecken
te wtroeden/ zullen eenē val doen tot onser verlossinge/ daer van
sy nimmermeer sullen opstaen/ ende dat hy ons ende onse Na-
comelingen sal genen ende beuestigen de erffenisse zijns woorts/
ende onser vryheyt.

F. I. N. I. S.



